

gehegether banck czu eynem phande lazen lihen dem burgermeister nach und dy saczczunge huzes und erbiz ist geschehen noch uswysunge des haupbryffes, den er Paul von Werdis kind darubir hat. ^(b)Und sal den obgeschr(iebenen) czins di 13 goldin geben halp uff Walpurgis, daz ander halpteil uff Michaelis, daran hat her bezalt 40 goldin rynisch, dy wir gelihen haben der Storchin uff ir erbe, darvon sal sy jerlich czu czinse gebin 3 goldin uf Michaelis und 3 goldin uf Walpurgis. Actum anno XIII sabbato post quasimodogeniti. ^{b)}

a) alles durchgestrichen b-b) Ergänzung von anderer Hand

232.

1411 Januar 15

Jost und Johannes Proße leihen sich Geld und verpfänden dafür ihre Mühle.

fol. 34r Wisset daz vor uns komen sint in unsern vollen rath er Jost und Johannes Prosze, Hanman Mulnerz sone, und haben vor uns bekant, daz sy Franczen Gerlach und Peter Gerhard vorsaczt haben vor 60 goldin und waz czinszes doruff jerlich volgit, daz sy des ane schaden bliben sullen. Des czu sicherheit haben sy yn yre mule czu phande uff gelazen und lazen lihen. Actum anno XI^o feria quinta ante Prisce.

233.

1411 März 19

Peter Korber bekennt eine Schuld.

fol. 34r ^(a)Wisset daz vor uns komen ist in unsern vollen siczenden rath ^(b)Peter Korber ^{b)} und hat bekant, daz er dem erbarn prister ern Nicklaus Schotzen schuldig sye 16 goldin und 10 nawe gr, dy er ym unvorczogelich globit hat czu bezalen uff di nehesten czukonftigen phingesten. Actum anno domini millesimo quadringentesimo XI^o feria quinta ante letare

a) alles durchgestrichen b-b) über die Zeile geschrieben

234.

1411 März 5

Rat, Vogt und Schöffen entscheiden einen Streit zwischen Johannes Horlemann und Burkart Kaldenkoch.

fol. 34r ^(a)Wiszet daz vor uns komen sint in unsern rat, da wir unsere eldesten by uns hatten, und sint da Horleman und Burckart Kaldenkeche irer sachen, dy sich